

新安畢氏族譜

卷一至八

一

ORIENTAL
CHINESE
B942
p58
1801

✓
Smith
1850
1858
copy

11
91-B

新安畢氏會通族譜引

吾弟郁曩遊學成均屢以書通曰
江西貴溪族有曰汝舟者職太史
出我衛公子遷衢州路烈公之後
每相見以譜牒惓惓其弟鄉進士
汝霖從兄沭陽簿崇鳴亦恒以是
為言予留於心以事重未敢輕為

續脩也正德改元郁回申言太史
所諭備悉予惟萬物本天萬人本
祖太史之言良是徐謀吾第蘭即
發書通諸族達僉曰善猶未敢輕
以興役也迨正德戊辰四月望太
史偕弟汝霖輦自貴溪來登堂墩
掃中散大夫墓松楸時霖雨連月

氛霧四塞淋潦汎溢太史齋戒至
十八日展祭墓臺平明南薰送涼
宿雨新霽海鳥東上人體和適太
史端章甫盛服斂容就位行三獻
禮諸族子姪分執其事長少咸集
隨班行禮牲帛周齊粢盛既潔華
燭生輝寶鴨焚檀香飄遠近光照

林木洋洋乎儼然神明臨之在上
誠意懇至升降有儀濟濟翼翼穆
穆如也觀者如堵以為希濶盛事
禮成張筵飲福于梁將軍世忠之
祠尊卑有等少長以次序坐勸酬
有容優游夷愉歌詠清絕盡懽而
罷越三日太史及遠近族達復先

後以抵吾家定論立局于是取各
譜校對異同繕寫刊梓其立例分
類列志等作悉裁自太史之衷餘
暮年譜成確有條序其日月星辰
之麗天江山草木之麗地章章明
明區別明白萬世寶也諸族達復
焚香矢于中散大夫之神其詞曰

凡我後人毋貽有賣祖之誚毋貽
有無祖之誚毋貽有忝祖之誚有
渝此盟皇天神明殛之後嗣不昌
矢畢編號收執譜牒人名俾後有
考焉雖然是譜也其吾族者雖相
去秦越弗棄非吾族者相近比鄰
不收昭一脉也於乎三公之後有

寒饑出無驢者焉卿大夫家有起
身自犂鋤者焉吾族後人去盍相勸
勉以復青氈之舊時
大明正德己巳暮春之吉中散大
夫廿三世孫閔川畢憲廷美拜書



𠂔

𠂔

𠂔

𠂔

𠂔

𠂔

𠂔

𠂔

賜進士及第文林郎 翰林院

編修孫清篆



畢氏族譜序

太史畢汝舟在京師以世譜請序
謂為先世所編者予未暇及粵三
年予致政歸南城太史先以丁艱
歸貴溪遣使持譜請曰序弗靳矣
世之感也予曰王事既閒可序矣
閱之已非京師舊帙其為書例類

詳明不專世系實太史所新著也
予喜曰序譜已多未見有是格也
弗序奚待夫圖譜之作古制也今
惟江南世族有之江南之間以門
第相尚必賴譜取重於人否則有
無祖之誚故凡大族之家世一修
之然皆世系之序而已未有文也

間有附錄先代詩文者未有例類
也太史是編其卷凡辨其志凡十
首地方以紀變遷之由而後以世
系繼之曰仕宦曰隱德曰文士曰
貞節曰壽考曰山川曰宮室曰詩
文莫不有志分類而紀義例炳然
諸志之著又與文中子太畧相似

其與江南諸族之譜可例視之乎
夫譜本以紀世系序昭穆而太史
益之以諸志宣徒肆筆售才以侈
一時之觀美哉殆將示訓教於族
人如先儒家訓之類矣其於民彝
世教豈小補哉予亦將有是作而
未能也太史是編其有助於予也

邪

正德戊辰孟秋朔旦

賜進士及第資政大夫太子少保
禮部尚書致仕盱江張昇書



新安畢氏族譜序

我畢氏自景公以禮義為教衛公
衛公繼之遷地凡兩郡歷世凡三
十有一而文獻之名蔚然也通者
風俗澆薄勢利是趨先世之訓浸
微矣可懼也予家辰時嘗有裁正
復古之心分卑弗信未敢報舉茲

竊祿史館遭喪廬居雖哀母葬
而敦厚父族之心未敢忘也君子
之在官也固事以憂國為心而其
在家也自當以厚俗為任委宗族
於澆薄而弗之問於人情乎何居
然敦族之道莫先於立譜譜立而
後人心翕人心翕而後志向端志

向端而後禮義興風俗厚矣譜可
以不作乎於是稽索舊譜旁及諸
書參酌裁訂創制立法編著成書
凡十志俾宗族誦而習之因文而
求其義因事而觸于心感悟興起
浸歸於正以復先世之盛其於敦
族正俗之道不既多乎是編也例

本史傳義竊春秋其文則載自愚
衷多所述於人者遂序而刊之

大明正德戊辰秋九月丙午

賜進士出身翰林院 國史編修

文林郎畢濟川序



休寧閔川畢氏重修會通世譜序
我畢氏族譜之續不得已也曩宗
老周令公嘗擬家藏譜輯之未大
會諸宗也先公尚舅府君繼又輯
之亦未大會諸宗也予殆有歉焉
蓋會諸宗則世家鉅族尤足徵詩
書文獻之舊益有考矣嗟夫人生

世間有三族焉生我者父族育我者母族嗣我者妻族是已父族不明則生成之恩薄母族不明則養育之德殘妻族不明則繼嗣之義弛三族之中父族最隆若二族者以夫婦人倫之本故并明之而無隆焉明而隆異姓之親姑舅甥婿

而止而吾同姓之親則宗族百世名分素明尊卑有叙人道立人紀布人文宣著其義復何尚哉天地之性人為貴以此迨世降俗移人情滋偽典禮壞彞倫斁世家之英文獻之懿存者鮮矣此吾族譜之續甚恐大懼為不得已也歟雖然

是舉也微吾弟太學生郁觀光
京師尋源究緒無以啓其機微宗
弟太史汝舟博聞廣見無以成其
美同聲相應同氣相求此又吾弟
蕃諸宗賢敦本敬宗之意其置局
吾家刊寫裝潢之類泰山土壤河
海細流則愚與吾兄迂美竊謂少

有助云始事戊辰三月一日竣事
己巳十月望於乎予族之人百千
餘指書而士耕而農藝而工貨而
賈人雖不一其先吾同體也來而
期功絲麻袒免至於無服親雖不
齊其先吾同室也鳥戀舊林魚思
故淵此天理民彝自有不容泯滅

者已耳抑吾竊有告焉自茲以往
吾族之人覩懿德美行之超異則
當奮發而思齊之庶善者有所勸
傷風敗化之下愚則又當衆怒而
群猜之庶惡者有所懲吉凶相告
患難相恤疾病相扶持孝弟行於
家則身修而家齊忠義行於國則

國治而天下平出有聞于時處有
垂於後致宗枋光為不朽則斯譜
也孟軻氏不得已之辯吾夫子天
縱之木鐸歟

正德四年歲次己巳十月吉中散
大夫廿三世孫畢蘭廷馨百拜謹

書

千峯

蘭廷

馨

仇以忠刊

畢氏譜序

古者天子建國因生以賜姓諸侯胙
土而命之氏天下之有家者始各自
為族以別其服屬久而益衆累至什
百千萬苟無術以統之殆將汗漫莫
稽奚貴於族耶故周官小史奠世系
序昭穆以辨親疎此固姓氏之書所

由作也後世忽而不講往三世次無
所考昭穆無所序親疎無所辨本原
之同支流之異欲指掌而不失難矣
昔之君子慎重譜學於宗法廢壞之
餘其以是夫吾畢氏自少卿憬公以
碩胄始望河南師遠公遷歛而景安
公復遷于城厯世凡三十一詩書之

懿禮義之習先後一轍而譜系之傳
祥卿公亦既作之迄今無慮百餘年
譜之未續蓋八世矣諸父欲為而未
啓其端諸兄將為而未逢其會于此
深有望焉惟昔孔子以繼志述事為
武王周公之達孝譜之作固以考世
次序昭穆辨親疎此皆前人之志而

事之未就焉者然非學之充識之達
烏能踵成之以隆繼述之美者乎璿
于此未敢以為能也而竊有志焉今
幸有啓端者而逢其會矣又自諉於
不能伊誰責而可故夫舉凡立例得
太史公之指授而提綱纂要賴諸宗
賢之周旋初非使一己之見以成一

家之言譜有圖志以理淆亂有考異
以伐訛舛有傳注以表賢能系有可
疑者關之事有實錄可憑據者續之
世次之久近昭穆之尊卑親疎之降
殺燦然畧倫自支而本合異而同廢
幾成先志之萬一以就厥事而水木
本源之恩尊祖睦族之義彌久而彌

篤也昔叔孫穆叔告范宣子以保姓
受氏世祀弗替惟立德立功立言為
不朽耳後之閱是譜者尚勉於斯言
以立其身成其家則善相勸過相規
欣戚同情越千載如一日則祖宗之
心為可慰而慊二作譜之意亦無負
矣刻告成宗老命予為之序予不敢

辭庸書以識之

正德己巳夏五月蒲節下二十八世

孫璿謹序



新安畢氏族譜序

譜所以叙彙倫也周道塞而五典
之叙弗博秦制興而四宗之法遂
廢彙倫攸斁久矣畢氏世譜之作
蓋傷彙倫之弗叙而叙之也按畢
氏出自周文王子畢公高之後其
得姓受氏胙土建邾布在方冊昭

然可見暨其後氏族延蔓散在四
方無復聯屬千有餘歲至唐有居
河南偃師者曰憬為司衛少卿六
世而至師遠為永州司馬改歙州
食書判事卒于官葬邑之篁墩有
三子衍之子遷池之石埭九華山
麓衛之子烈遷衢州路衢廬于墓

遂家焉時以明經授歙州學教其
子文龍文虎子義林世居篁墩
溪文龍之三世孫世仁始遷休之
碧溪又至神護有子五人綸績縉
居碧溪紹居陳村經遷歙之長陔
又三世而至景鎮遷休之閩川景
安遷郡之北市文虎四世孫汝霖

遷歛之石耳又十四世曰子榮為
國朝民兵萬戶遷嶺口嘉田故其
派在休曰碧溪曰閔川曰雙溪曰
陳村與夫歛之長陰郡之北市者
皆文龍之所出也其在歛之篁墩
璆溪石耳嘉田者皆出自文虎也
由是裔孫閔川廷美廷馨嘗蒐先

世譜課重加考證原其祖考之所
自出究其支派之所由分遂譜休
歛弋貴四邑之族統而一之纂輯
成編復因程屏山屬予序之是譜
之作也自景公仕唐沂而上之以
至於秦傳記無徵莫之備載由唐
而五季而宋而元以至于今日凡

八百餘年族分八派傳三十一世
世五為圖圖列有八家適為韓衆
庶為父尊卑有等少長有行善德
有錄父韓別而小大之宗明等級
辨而天倫之叙止善德紀而風俗
教化可屬也夫自一人之身到而万
之至於千萬人之身者推一本而

之萬殊也由千萬人之身會而合
之至於一人之身者該萬殊而歸
於一本也然析之則條而不彙合
之則一而無遺此其恩意浹洽仁
不流於兼愛情誼交孚敬不墮於
阿諛使一族之間人親其親長
其長是大有功於彞倫也於是乎

書時

正德戊辰冬十月朔旦荃谷歲寒

子謹書



長陔會脩譜序

姬姓公高者吾族之所由出也夫族
雖遠矣而遺脉流芳繩、相繼弥遠
而弥芳者皆原於河南也蓋吾世居
河南至五世師遠公官判于歙而居
篁墩焉十四世世仁公遷休碧溪第
五子經公為睦州令始遷南陔乃吾

族之高祖也富甲於邑詩禮相承至
二十一世子模公推祖之所出叙族
之支流迺見分香閩川城北者皆吾
嫡派也二十四世復初公二十六世
仁公二十八世吾父民威公舉續其
譜迨今三十一世矣然吾居此禮義
自持一脉書香未嘗廢墜江右太史

汝舟公邈流尋源遠來望墩聚族省
墓復謂族胤吾之共派敢昧厥初之
情既自一族今居兩省當輯宗譜可
審異同由是宗長廷馨心切竦然特
過吾里取其舊牒會而刊之太史公
叙其端舊叙從其後一派釐為一卷
五世畫為一圖井、有條秩、有序

自始以至於百世以至於無窮名分
由此而定位尊卑從此而不踰後望
班、可考非吾之族魚目而不可得
涸珠也噫始祖之分而太宗小宗之
法皆出一人之脉而千支萬派流傳
而譜不可不作斯譜之述始於子模
繼於復初仁民威公終於太史公成

於廷美廷馨文潤公拳、用心而不
較其勞汲、欲成而不計其費而此
數公吾族之巨擘者皆以心繼心以
志繼志千載一譜家傳人曉然雖居
異地而譜相同見其人而審其名不
翅玉節之相符冰雪之相映則所謂
親、之殺尊賢之等禮所生也可不

驗歟爰承先人之命姑此以告諸之
來者

正德己巳仲夏月朔旦二十九世孫
章勝友松拜書



新安重修畢氏族譜序

先君子曩執吾家儲舊譜洎自纂由
洪武迄今世系併而授子且戒之曰
傳世之珍也勿易視吾纂今世系欲
效如古譜例而修之此其槩也吾老
臆弗企汝爲吾慎成之吾將指正焉
耳予時謬應南畿募賢科行將就試

未克成編越明年先翁沒值憂居而
思述其事連閱所授而手澤存鮮因
哭之慟不能批視者久之置又弗敢
於是乃含哀忍涕歷悉核吾家藏舊
文翰偕族五服內外者生年卒塋之
詳與所配及男女名附各世系之下
如古譜例草成之蓋十年于茲矣迄

正德戊辰歲夏值族兄翰林編修汝
舟先生偕鄉貢進士汝霖先生因丁
內艱慇懃來歛而供列祖祀事胥予
信信于玉屏山麓書舍諄：者惟稽
行著譜爲是來第一事爾予等交言
是之而太史君自創新制謂曰譜紀
世系固也夫家之有譜猶國之有史

也吾將畧肖史法而義竊春秋爲之不
識何如於是手出凡例數端胥志若
干條于內不能無增損者則予之惜
也於是譜格遂定予遂與閔川族兄
廷美長陵章勝近派者及予兄理第
瞻合力議爲併以太史授予之言而
授之予復早作夜思纂修成帙且訛

者訂之泛者削之畧者詳之一越歲
始克成功思奕世重事不敢荒怠噫
斯譜之作其示親二垂訓教庶交盡
而不悖也後世子孫幸毋以爲徒爾
當深思其立言之微意以自勵此則
吾人深望焉將命鋟梓而示不朽故
序諸弁云

大明正德四年己巳夏五月朔旦歛

縣儒學生嗣孫畢珊文潤拜序

徽城上北街人



新安畢氏族譜舊序

長陔族譜序

畢氏本姬姓周文王第十五子高封於畢遂以國為氏如李孫之
封潁魏侯之有國晉之時譙為中書卓為吏部華曾遜三有不可
得而攷矣厥後自東平以吾世系稽之唐初諱懷者居河南偃師
縣武后垂拱二年為司衛少卿貝邢盧許州刺史子二長曰構字
隆擇少擢進士第中宗景龍四年召為左御史按察劍南睿宗嘉
其治為諸吏最賜璽書袍帶遷吏部尚書玄宗先天元年進河南
尹遷戶部尚書遽改太子詹事秩二千石開元二年來贈黃門監
謚曰景次曰榻留司東都入我朝宋文簡公士安之派也構之子
曰炕字世炎天寶十四年為廣平太守安祿山反由廣平入長安
炕抗賊遭刃城陷家覆贈吏部尚書以旌死節子二長曰炯始四

歲次曰增始二歲俱為賊所虜廣德元年河北平宗人給事中宏
以家財贖出之洞時十二歲依宏居長安授學明經取第歷河南
府王屋縣尉元和六年卒于官年六十一還葬偃師之土萇昌黎
韓公為墓誌增不得贖後亦官至河北從事御史中丞而忘其族
洞四子長鎬次鉦又次鉞再次銳鎬進士明經蚤世餘三枝居河
南東京不得悉攷鎬二子長師迪次師遠字元功咸通十二年襲
父職為永州司馬因家焉乾符四年再調歙州中散大夫僉書判
事偕子仲衡之官甫一期而卒遭巢寇擾東南遂墓歙邑上南黃
墩中散公三子長曰衍字伯通建康節推挈子梅之官尋亦家之
後又遷于池之石埭卜築九華山之麓四子十七孫今又蕃矣次
曰衡字仲權恃父後授迪功郎歙州學教唐李光啓間五代紛爭
尋亦不復歸遂築室于中散公墓側此吾歙之有畢氏自其始也

三曰衛字季容遷權州路本貴溪平陽是也居歙衛二子長文龍
次文虎叶昆弟之睦力殖產高財魁時之富矣文龍之子岩將尤
加而光前人岩將之子曰世仁世仁之子曰希萬卜壽歲于休寧
碧溪之祖也葬承端妣汪氏葬佳衝希萬子神護有子五人五世
皆為將仕九公經居五最少以兄弟蕃衍遷歙之上南仁愛鄉長
陔家焉此吾歙之一世祖也有二子三公三十二公二世祖五公
諱有四子三公子和四公文進八公文立三世祖正小公文旺四
世祖五子九公十公景鎮十四公十五公景明十六公景承十七
公景安高祖景承第四人也蓋光前烈家視倍增有四子念八公
輔三七公資四一公美曾祖四五公志有三子璉富祖廣居長中
上庠補歲飢發困以濟貧乏冬舉衣以溫其窘仁及鄰里時稱長
者三子大問以詩文見知魏守克愚為建書院號曰泰山次大礼

三大方範之父以文章名兩貢選時稱解元也以上皆詳吾所自出也蘇老泉曰譜為親作也厥後析枝衍葉圖序悉傷此不復詳吾族望東平唐君河南歷永而官歛自歛而遷休咎休而復分于歛厥族綿三者以其譜系之存也範粗蔭先世餘光亦幸不墜先敵雖詞賦聲場屋為歛厚教諭老母將至仕祿於我如浮雲每歎夫族之蕃傳之遠恐久而迷其緒遂作茲譜以詔後人俾賢者知所守愚者知所戒庶幾由此而大吾家聲云宋淳祐十二年歲在壬子中和裔孫歛學教諭範子模盤谷居士拜書

歛南長陔畢氏續譜序

譜系之作所以紀序業傳久遠也譜不作則前不知其來後不知明其昭穆何古人親服之論哉同邑上南畢君子模以歛厚教官來訪且惠示長吟離妍韻奇其學晚唐者讀之使人擊節三嘆又

以家系國謁予叙閱其先本姬姓後自東平初少卿得黃門監構居河南傳而迄師遠司馬永州因家焉再調吾歛中散大夫會書判事卒而墓于黃墩子衡迪功郎歛州教諭唐末世異尋復不歸遂築居中散大夫墓側比歛之有畢氏也由迪功至希萬自歛居休寧碧溪至武林居歛溪南漢洞六世至將仕公復遷仁愛里仙村石耳此公之一世祖也又休寧碧溪復遷歛南長陔此南陔之一世祖也迄君又八世矣文聲宦譜代不乏人古所謂世家也君之是譜歷代昭然其後來則知枝分條貫其昭穆明矣傳之久遠又何限量焉哉前是汝陽子達君瑞嘗訪焉輿論先世言與君子符予亦樂于言宋淳祐十二年壬子歲同邑朝議大夫竹坡老人呂午伯可父叙

歛南碧溪畢氏譜系序

記曰萬物本乎天，人本乎祖。蓋天運循環而生，植自不能已也。吾畢氏之先，出自后稷姬姓。至周文王第十五子畢公高，封於畢。子孫遂以畢為氏。春秋時有萬者，仕晉為大夫。戰國時斯以周烈王命為侯。歟？後歷秦、漢、魏、晉、南北朝，名公鉅卿，風儒碩士，代不乏人。史冊可稽。唐初，上祖憬由東平遷居河南，偃師垂拱間為司衛少卿。歟？後歷世仕唐，憬之構擢進士第，召為左衛中郎，歷吏、戶二部尚書。卒贈黃門監。諡曰景。三子曰：杭為廣平太守，杭子二長曰炯、次曰增，俱為賊所掠。廣德初，河北平，宗人給事中仲宏以家財贖出。炯時年十四矣。依仲宏居長安，授學。年十五，以明經取第，任河南王屋縣尉。卒于官。塋偃師之土。墓昌黎韓公為墓銘。子四曰：鏞曰：鉅曰：鉞曰：銳。鏞之子二長，師迪居河南。次師遠襲父職，為永州司馬。後以中散大夫調欽州，食書判事，有德於民。二不忍去，遂家於

欽。卜墓於欽南，篁墩子三長曰衍，仕至建康節度使。子梅遷居九華山。次曰衛，授迪功郎，任欽州學教。唐光啓間，五代紛爭，不復歸。永遂卜室于篁墩中，散大夫墓側比新安之有畢氏，自其始也。三曰衛子烈，遷於衢州，路衛二子文龍、文虎、文龍三世。仁遷休寧。襲溪子孫著衍枝蔓，不可勝紀。文虎之子長義、林次、武林、義林子，文名厥子曰謹。武林子文昌子四仁、義、禮、智，遷俞村、漢洞、淮西、石耳。謹念祖墓之荒，於是築居璣溪，戒之曰：子孫不可他徙也。謹之子曰進，之後六傳有曰衍者，吾之萬祖也。博學能文，有古人風。鄉里以先生稱之。子二曾祖念八公，名源，字仲純，居第二治田力產稅業。光前傳一世。經三公，善治財利，家殷富。子二五父仁七公，諱文，修長承豐富之業。與弟仁八公，字宣美，讀書力學，不求仕進。人皆賢之。妣江氏，已上稽諸先世譜牒，歷三可考。義幼讀父

書肇承家訓第念譜牒不修則尊卑失次昭穆失序子孫久遠不知祖宗之名諦視至親爲路人寧不大爲世道之慨也夫庸是謹將先世譜牒續增編次以便觀覽然吾家以祖墓所在世居皇墩碧溪一脉相承比閭族處讀書樂善後有高大門閭而光耀先人者又在於後昆望焉傳曰公侯復其始姑述此以俟後來云淳祐十一年歲在辛亥春三月朔旦裔孫宣義拜序

碧溪畢氏族譜後序

竊謂家有譜猶國之有史則載歷代次第君臣名分當時事則譜則載姓氏自出祖宗字諦服派遠近國非史不知正朔不明統紀而中國同乎夷狄家無譜不知從來不明昭穆而人道近於禽獸孔子之作春秋朱子之修綱目蘇氏之叙族譜其功一也是故大家世族仁人君子必以譜系爲重同郡皇墩碧溪畢君子儀以

學行聞時與予同志淳祐辛亥夏予因事之郡道經皇墩過從屢日因以所編家系譜圖屬予爲序且曰吾世居皇墩以始祖中散大夫墓在焉先世有言不可他徙每以先訓爲念吾今年五十有七衰老將至恐子孫久遠失傳故續是編以昭將來予觀其先本后稷姬姓至周文王畢公高封於畢其後遂以畢爲氏夫后稷教民稼穡文王惠解懷保畢公佐輔王室皆有功德於民歷漢魏晉宋齊梁隋唐士夫不絕公卿接武其來固有自矣唐初少卿公憬由東平而遷河南至六世中散大夫師遠爲永州司馬居永後改任歙州僉書判事奉子歆遂葺于歆之皇墩厥子迪功郎衡復任歙州學教築室于中散大夫墓側遂家于歆之皇墩子孫蕃衍而後分遷凡休寧碧溪與夫歆之長陔漢洞石耳之派皆由此而分焉故吾歆稱着姓者必以畢爲最而謂大家世族也今子儀君不

忘先訓世居故廬保守祖墓復修譜系以照後人使知先世從來
分派遠近尊卑次序其敬祖睦族垂後之志大矣視彼東遷西徙
者其為賢不肖何如耶語謂仁人君子也是編之世次以明親疎
以辨長幼以使後人孝悌之心由生敦睦之序豈專美哉傳曰君
子創業垂統為可繼也若夫成功則天也觀望敦睦溪山盤水遠
秀氣磅礴後有撥危科而登顯仕者傳曰公侯復其始將於畢氏
驗之是為孝廉祐辛亥夏五月既望同郡卓軒蕭江松書

石耳畢氏世譜序

畢氏本姬姓廼帝嚳之後周文王第十五子高封於畢遂以國為
氏如季孫之封潁魏侯之有國晉之時諡為中書卓為吏部華胄
遙三有不可得而攷矣厥後自東平以吾世系稽之而可驗於家
乘者有唐初諱懷者居河南偃師縣武后垂拱二年為司衛少卿

貝州廬許州刺史二子長曰構字隆擇少擢進士第中宗景隆四
年召為左史按察劍南睿宗嘉其治為諸吏最賜璽書視帶遷吏
部尚書遷改太子詹事秩二千石開元二年贈黃門監諡曰景次
曰羽留司東都乃宋文簡公士安之派也構之子曰坑字世炎天
寶十四年為廣平太守安祿山反由廣入長安抗賊遭刃城陷家
獲贈吏部尚書以旌死節子二長曰垌時四歲次曰增始二歲俱
為所掠廣德元年河北平宗人給事中仲宏以家財贖出垌時十
二歲依仲宏居長安授學明經取第歷河南王屋縣尉元和六年
卒于官年六十一還葬偃師土妻昌黎韓公為墓誌增後亦官至
從事御史中丞莫知所終垌四子長鐫次鉦又次錄四貌鐫進士
明經早世餘三枝居河南及東京不得悉攷鐫之二子長師迪字
元訓居河南次師遠字元功咸通十二年襲父職為永州司馬乾

符四年再調欽州中散大夫銓書判事偕子仲衡之官甫一期而卒遭巢寇擾東南遂家焉墓在欽邑上南黃墩三子長曰衍字伯通建康節推挈子梅之官尋亦家焉又遷于池之石埭九華山麓四子十七孫今又舊矣次衡字仲權侍父後授迪功郎欽之學教唐季光啓間五代紛爭尋亦不復歸遂築居中散公墓側此吾欽之有畢氏也三曰衡字季容避董昌之亂遷衡州路衡二子長文龍能抗其宗次文虎襲祖父之流風行當時之富庶卜佳兆于留源至子武林遷俞村漢洞武林二子長大二公富庶甲于上南元十六鄉正增光前烈葬留村畢家墓次大三公早世鄉正四十長曰仁字伯榮次曰義字仲直三曰礼字叔恭四曰智字季謨仁義智三枝居漢洞由礼公子波霖府君始遷仁愛里石耳之陽而若江氏之故址焉此吾鄉之始祖也厥後子孫繁衍流芳襲慶于茲

有年矣元鳳無肖幸承遺胤推原先世自畢公弼亮四世遷種保釐之德公土為氏由來尚矣至吾少卿顯河南途中散公自永官敏造汝霖公再遷石耳至今又十四世矣其間風淳俗厚一脉書聲綿延瓜瓞者實自衡之始及昭穆之坦明者又賴譜之存也今將少卿以下世系偕悉于圖以示諸後人使續述之母費厥緒俾觀譜以思其祖酌水以思其源庶幾由此以振吾宗風耳時元貞二年丙申十月既望商祿元鳳朝陽梧岡樵隱拜書

長陽畢氏族譜序

自宗法廢而先王所以睦族之意竟不可見獨賴譜系之存世數猶可攷也然非大家宦姓聲勢足以動其州閭德澤足以及其後世者則又不久而輒亡之使其子孫服未盡而已為途人豈不重可歎哉余家來沙溪之上今十二世至以姓名村譜謀歷三可攷

墳墓無所遺逸非有官宦大人之勢豪家巨室之資世以力田相
遺而能保守不壞如此余嘗切自慶幸以為所積者深矣及觀畢
氏譜益有感焉畢在上南一大族居長陵者尤盛蓋自唐中散大
夫師遠歷永來官歛其子衡因家于黃墩故居者祖焉以將仕公
之博學多聞亦自以為實其所出是信不誣矣畢君之譜不及者
世則遠矣而於族源復僞述之所以著其始也其亦識隆殺之等
而盡親之道哉余每怪世之奸人使士妄取前代名公以為上
世自託述華胄以誣其祖以辱其身如郭崇論不拜郭子儀墓
者其亦可誡也矣至若以為譜系有限高曾之外即不復著而不
知先王制服以情後世著譜以考其源二者義實不同如蘇明允
之序其族譜者其亦隘矣二者之所用心雖有意惡之殊而於事
理則胥失之畢君之譜舉無此弊可謂善於書法者抑猶有說事

脩厥德人之所以念其祖也全而歸之人之所以孝其父母然脩
德以顯身而體無不全身以任道而德無不脩蓋脩德然後全
其身所以脩其德則念其祖考孝其父母亦非有二道也畢氏之
先多聞人其子孫當益進於學求所以立身脩德以光大其門閥
使家聲復振斯譜之傳不墜比則譜外之意也畢氏子孫勉之畢
君名亨字嘉甫雋實人也行誼於斯尤用心時至治甲子正月
己酉邑人鄭玉序

長陵畢氏重修家譜序

一身而繼之千萬人一族而繼之千萬世繼之者日盛則踈傳之
者日遠則易亡此亦世之使然也記曰萬物本乎天人不本乎祖
本之猶在則族愈盛而不踈世雖遠而不忘也噫今之俗薄甚矣
至於服之窮親之盡愛不弔喜不問視之途人其故何也以其族

之大傳之遠或富貴貧賤之殊賢愚強弱之異所以陳者益疎遠者益忘由其宗法不立譜系不修此吾所以深為世道慨也吾先曾大父教諭公範述吾宗系之譜出自畢公分地而氏後自東平迄唐少卿憬六世至師遠始自永來官歛由迪功郎銜始家黃陂至世仁公析居海寧千秋鄉之碧溪又三世將仕公經復還歛仁愛鄉長陔比長陔之一世祖也由將仕而迄我高祖大萬公七世其間名位昭穆靡不搜羅而無遺矣由我曾祖教諭公至今又四世校分蔓衍不知又幾矣伏讀譜系曰後之子孫宜讀成之吁其囑我後人深矣復初粗幸紹遺裔勉力家學期不墜先猷譜系一書舉、於修以繼先志謹述先世之傳自我曾祖：父爰及旁枝輯成績十二世四百六十四年其間一脉書聲聞場屋而登仕者代不乏人載於文字間班：可考可謂族大而傳遠矣噫吾宗人

之盛矣吾族之傳遠矣至於不忘者譜系之存也又能以信義守之宜其愈大而愈合愈遠而愈親雖蘇老泉之紀續譜真西山之序睦亭今亦無愧於二氏矣何以知其守信也以死葬必躬冠屨必告父孺子孝兄友弟恭孝悌之行昭矣何以知其守義也專不凌卑幼能事長富卹貧矜扶弱骨肉之恩厚矣斯二者吾族之人世：守之則祖德之大茲傳之遠又奚止於千萬人千萬世者哉後至元二年丙子二月朔日裔孫復初百拜謹書于譜石

上北街畢氏家譜舊序

天地間可傳於無窮者善名之外其惟身之一脉乎一脉之分其始固無不同而其終亦不能無異善譜其族者原其同而合其異是則存之非則去之貧賤者吾無外焉一脉之所分也不思有以拯之于富貴者吾無內焉一脉之所分也不思有以安之于休戚

相關恩義無間合千萬人爲一人之身矣堯之治功雖極於協和
萬邦而實自親睦九族始睦族之道其所關繫大矣哉吾畢氏胤
出周文王第十五子高之後三遷而居歛迄今數百年履厚相承
爲新安之大家惜譜牒之無續予每以爲憂用是作爲家譜五卷
上以原其祖之所自出下以別其支派之所由分庶幾前有所傳
而後有可稽也嗚呼作譜之意豈直爲宗祊不替而已凡以爲人
子孫者使鑒觀先德亦可以興起其爲善向學之心知先德之不
可泯家乘之不可辱其出仕必思建功立名以光耀前後隱居者
必思謹身慎行不失爲善人之歸異日照穆有列世代有稽後之
人指之曰某吾祖也居官以廉能稱其吾兄也居家以孝友聞誠
知乎此則益慎厥行引而勿替其仕與隱永不辱其先則斯譜之
作不爲無益矣因序以期之元至正甲午春正月既望嗣孫畢祥

卿謹書

又

新安畢君仲仁以材賢被命擢南都大邑濱行手巨冊請予曰先
君子祥卿公銳志於尊祖睦族之道作爲譜牒以別世系衍族義
於無窮敢丐先生一言以弁之予惟天下之家有譜者鮮矣譜而
得其實者爲尤鮮固不能不爲盛世惜新安畢氏獨以其譜見可
重也已徐爲之考其裔遠而族大胤出姬姓世居東平河南偃師
唐末遷居歛州由是瓜綿螽蟻血脉之聯屬支派之繁衍自師遠
八世孫景安公自長陔遷歛城于茲數百餘年其間或顯或晦或
盛或衰遠而祖功宗德之有無近而宗族親疎之賢否無不備載
於一譜之中未嘗有所擇焉者竊謂魯祖周公非以其德鄭祖厲
王不諱其暴要之惟一氣之相承而已矣爲譜而可以不實乎畢

氏按譜不襲不附不隱不漏其跡明其事實其言信亦廢乎國史之直筆也可不重歟況乎家譜與宗法相為表裏譜得其實則正家有道爰倫叙禮節修宗廟不失其享昭穆不失其次而孝友睦恤之行興矣昔晏平仲張君之賜厚於父黨范希文得君之祿均於族人皆是物也傳曰天下之治不外乎家天下之家正則天下定矣今畢君斯譜之作不惟有功於一家而且有關乎世教故樂為之序且使天下之無譜與譜之不以實者有所法而知所勸云洪武壬申秋七月望嘉議大夫吏部右侍郎本原王章序

休寧閔川畢氏家譜序

古者立宗子之法有百世不遷之大宗有五世則遷之小宗皆所以明本始而統族屬別親疎而敦義讓明冠婚喪祭之常勵孝友睦婣恤之行故人道立而教化成矣後世比法不修族屬無所

統承子弟無所取則綱淪法斁天典隳而民彝墜矣蓋讀書有道之士極憫悼而莫之救乃取譜詳考宗序而明本始正昭穆而立綱常別親疎之義敦禮讓之風宗法又庶幾復漸於古哉惟吾畢氏發派河南延于歙之長陔本大而末茂源深而流長此歙之長陔畢氏之譜者猶古大宗之為也故予起自長汀令君至今三百餘年十有一世作為休寧閔川畢氏之譜者猶古小宗之為也周今不學無識是譜之為書其名諱絕其行實而已非能以文飾也俾吾之子若孫知所統承而識其顛末不昧自來而明其本始無郭崇誦妄認汾陽之墓閔姓稱為子騫之曾以貽萬世之譏也無父惜擾鉏而累有德色毋取其第立而諱語期功強近之親視如途人以取非仁之弊也觀是譜者見其言辭有懲創感發於中孝悌之心可不油然而生思所以敦孝敬而行典禮勵風俗而美教

化也耶是為序宣德辛亥十月既望九世孫周令舞手

歙嘉田畢氏族譜序

夫譜之作者人之不忘乎祖也夫不忘乎祖者乃水木本源之誼
木之有本則蔭其根既盛而枝葉蕃水之有本則濟其源既
清而流長矧人之生繼體於祖宗豈可忘乎祖哉按吾家世如畢
公高以國為氏春秋時畢萬晉之誼卓者世岐不可攷焉至若唐
少卿生自河南又七世師遠來官于歙仲子衡授歙州學教構第
黃墩而因家焉歙之有族衡之始也又五世神護公遷休寧碧溪
汝霖公遷石耳又十五世萬戶仁公遷嶺川嘉田其間世次靡
源班可攷而無遺逸矣所以昭穆序尊卑別雖然有枝疎派
遠服盡親盡勸斯譜也則族誼存焉孝弟油然而生矣而無喜不
慶慶不而相視述人之機文源風膺厥訓祖讀父書然無足以鑑

人之齒惟不墜於筭集今而自迫桑榆侵尋老景伏遇
清平之世得以安於泉石輒將家藏譜牒繕寫成書先敬備述以
聒於後之來者以志繼志續而弗替綿引無窮庶幾有補於宗風
耳昔大明正統十二年歲在丁卯三月上弦日裔孫文源拜書

小田畢氏族譜序

貴溪江右望邑也畢氏居北鄉之小田邑之望族也其地山明水
秀土壤饒沃林木倉翠又一鄉風氣之收萃也畢氏族居其間十
有餘世矣予嘗閱其舊譜知在宋時有諱宗萬字必大者以國子
助教致仕徙自弋陽石塘田來而元以迄今日有抱道弗試者有
薦於行誼表儀於鄉者有博通經史教授於家者有發身科第蜚
聲仕路者有富於其產雄冠一邑者倩人顯宦之繼踵家聲世德
之者聞燁然輝映數百載之間者譜不絕書何其盛也昔子家食

時聞畢氏富而好礼者五人曰惟彰曰文光曰煥文曰定遠曰德興
凡稱畢氏者必有及焉後相繼淪沒然令名遺烈不與之俱沒
今年春德興之子翰海南浦昆仲持譜詣予請曰譜以小田爲宗
其他石塘方墩仙岩者皆依次構錄示不忘乎同一源也願一言
升於首予惟古者圖譜有局後世局廢官失其守譜亦散墜士大
夫家各自爲譜然皆旁引曲證立例未必盡同推原所自出別白
所由分敦本木本源之義盡尊祖敬宗之道一也今觀畢氏之譜
詳而明簡而要上不昧其所自出下不紊其所由分深得作譜道
法可尚也於戲譜立而後睦族之道成睦族之道成而後孝敬之
行著孝敬之行既著仁讓慈愛之風得不由是而興乎是則世雖
數世親愛常如一日族雖異處患難困苦之相恤常如一家尚何
民俗之不厚治道之不隆乎後之子孫益加勉焉會見家聲世德

見稱於人者不特爲貴溪一邑之望又將爲江右一邦之望矣予
與畢氏居相邇又辱在姻末誼不可辭述此爲之序景泰五年歲
次甲戌夏五月既望中憲大夫資治尹大理寺右少卿前監察御
史文陽九川李奎文耀序

雙溪畢氏譜引

木盛自培所以植本水深則理所以還源矧人爲萬物之靈忍可
忘其所自哉蓋不忘其所自故必敬宗敬宗必睦族既篤敬宗睦
族之誼莫先乎譜系之書然於其譜也非賢士君子有志於德
者曷能爲矣吾新安畢君仕敬兄季並賢好古循礼出示宗譜一
書徵予修纂予按畢氏始自周文王第十五子公高封于畢後子
孫遂以爲姓蔓延族大迤邐于司馬晉李唐之間東平昌盛顯宦
灼着追少卿憬公者居河南偃師縣垂拱中爲邢貝盧許四州刺

史生二子構為御史按察遷吏部尚書初留守東都構子炕天寶
安祿山反炕以死節贈戶部尚書二子垆增俱被賊掠廣德中宗
人以家財贖得垆歸增不得贖遂居河北官至御史中丞垆為養
其家教讀書明經登第歷尉臨渙安邑王屋年六十一卒于官韓
昌黎為墓誌生四子鎬鉦鉢銳鉦鉢銳三枚居河南鎬第誠早孤
燃薪夜讀宣宗時為翰林學士召訪邊事甚悉協合上意咸通二
年拜平章事常以俸給族之貧乏者生二子長師迪居河南次師
遠咸通十二年襲父職為永州司馬僖宗乾符四年再調歙州中
散大夫餘書判事遂卜居歙南黃塹三子衍衡衍衡遷居池州石
埭築室九華山下四子十七孫至今蕃盛衡遷衢州衡侍父中散
大夫樞廬居黃塹之墓側後授迪功郎歙州學教生二子文龍文
虎官並至將仕郎文龍子嚴明器幹鑒達生子岩將岩將生世仁

世仁生希萬卜居休寧之碧溪畢氏顯重聲名隆振尊仰于時故
宰相文天祥公為撰譜序倫述先後出處詳綴希萬生神護才護
神護五子曰經遷歙南長陂才護九世孫曰宗勝遷雙溪東市其
後有曰德崇懼譜不修將有迷於昭穆乃以 國朝庚辰偕其
姪孫良夫修續譜圖申明行第越茲僅五十五載而在敬誥之常
懷 於斯譜也恐夫久而不續宗派至於失序實有大事於名教
也予重其有敬宗之心故不辭而修集焉噫畢氏得姓其來遠矣
歷世遐邇且自際公而下若子若孫蟄 沿流如貫珠矣觀其餘
慶傳芳代多賢傑仕隱悉備雖然今日仕敬譜書之作所以汧流
尋源求本索末在乎敬宗睦族之道親疎隆殺之分尊卑義讓之
礼敦古還淳之風實於人倫之所重也仕敬資性渾厚存乎友悌
礼讓溫恭造次顛沛而弗違復有克紹前修志於譜系以遺後之

子孫使不忘本知所以溯其流尋其源而不失其而自抑俾激厲
其宗風之衰親之愛愈遠而愈厚愈寂而愈隆則睦族之重豈
然而無數矣於是乎書時景泰五年甲戌五月朔旦同郡歛北竹
齋許宗遠修撰敬引

閩川畢氏重修家譜序

畢氏之族其來尚矣蓋文王子畢公高之後也周封高於畢子孫
因以為氏自得姓後不知其幾世矣迄唐初諸懷者自東平遷河
南懷帥為司衛少卿六世曰師遠為永州司馬轉歙州僉書判事
子孫遂居歙之黃墩二世而文龍四世曰世仁遷休寧千秋鄉之
碧溪又四世曰經自碧溪徙長陔又四世而長汀令公曰景鎮乃
擇里於閩川居之自懷公至鎮凡一十七世其間簪組繩墨顯宦
碩儒後先相繼景貞德儀所編舊譜述之詳矣至尚勇復因舊譜

增其所未載者編集為閩川族譜以傳諸後其譜倣歐陽公譜例
以五世為圖序其世序而行實則詳於小傳圖必五者取親盡服
盡之義也遠祖不脩載者以其無徵而不可取信於後也詳於本
支而畧於旁派者別親疎也必稱小字者恐後人之蹈犯也蘇子
曰觀吾譜者孝敬之心油然而生信乎一日尚勇子郁門生也特
是譜索予為文以序其事予惟家之有譜猶國之有史以載當
時行事國家興廢得失之由為後世鑑譜以明親疎序昭穆別派
分使百世不失其傳而知水木本源之義是譜之有關於風教大
矣遭晉之亂士棄墳墓風教薄而系錄廢矣冠冕蹴履混而為一
情哉今畢氏之譜創於景貞修於德儀至尚勇而一新之源流派
分秩然不紊信足以傳示後人而敦風教矣雖然吾觀畢氏之族
簪纓盛於昔而替於近世非今之不古若也顧在人為之何如耳

今高勇積德基業教子義方郁能克承父志疏_三窮年以殫忘畢
慮於一經蓋將與昔之燃薪夜讀以登顯宦者同科則一日振華
氏之宗風者未必不在於斯人耶予重郁之請故樂為之書徽州
府休寧縣儒學訓導四明陳泰序

徽城畢氏重續家譜序

家之有譜猶國之有史也所以紀世代著賢否故觀史則古今為
治之迹昭然在目閱譜牒則宗祖之源流支派之同異豁然不謬
矣吾畢氏本周封公高於畢地以封為姓而傳至魏瓜派蕃昌至
唐司衛少卿憬公家世河南偃師而五世孫師遠公以中散大夫
宦遷求敏叟書判事值黃巢姦軌卒於官塋歟南塋歟仲子衡為
歙州學教因父墓側始家焉新安畢姓自此始後依產從宦遷徙
不一至十七世景安公以宦致政始遷徽城北市而吾之祖實自

此始祥卿公恐歲遠繁錯謹將本宗譜系留心集續今運二百年
蓋又八世人矣議錄間有貴溪宗長內翰大人來徽拜墓訪譜是
以會宗識兄弟華議乃同弟珊璫脩續祥卿公以後人物生婚卒
塋集錄於譜以繼其跡緣本宗自景安公至此故家遺俗最為近
古是以人生質朴不好華麗世出文儒配室婚姻必須世家巨望
不阿群黨不附邪流於豪富無所諂於貧弱無所凌可謂厚矣理
幼失勤學長遊於商古云不學無術不能効宗賢之萬一亦不敢
偏執己意匿出之訛謹同兄弟直續支派以起後人而工拙則在
所不計也是為序

正德三年歲在戊辰仲冬月之吉裔孫畢文理拜書

徽城畢氏續修族譜序

夫有人民而後有夫婦有夫婦而後有父子有父子而後有兄弟

一家之親此三者而已矣自茲已往至於九族皆本於三親焉是以古之聖賢立大小宗之法命太史氏以掌其籍蓋恐民多散越有失三親之義故也後世此法不立無所統承故世家大族各自為譜以紀其所親而歐蘇諸公亦既作之矣吾畢氏世望東平偃師間自唐中散大夫師遠公僉書判事于欽卒于官其子衡仕欽學教授值黃巢之亂弗克遠歸塋先公于篁墩之汪坑口遂家焉後漸蕃盛遠近遷居名儒碩德譜不絕書可謂盛矣至祥卿公者性明敏剛毅博涉古今值元末兵興輟尤不仕讀書之餘以吾世系之所從來稽考典實質諸舊譜泝流尋源上而自師遠公以至於公高得姓之始下而至於國初或本文或衆文畫圖者傳井然秩然不遺引不妄遺誠世家之史也惜其年久未續有可惧者且吾聞之五世而不續譜者其不孝也歟噫今則八世矣奈何復

隨乃與兄理弟珊璠輩共議搜葺祥卿公以下之文翰得東山手卷一舊譜大畧一侍制榮歸圖卷一清隱堂記等諸篇併諸行實墓誌銘者字諱事蹟昭然可考正在欲成未能之際適遇宗望汝舟先生以會族拜先塋來徽道入譜事公毅然以綱領諸衆於是各呈本支事實增入舊譜售梓重刊以傳不朽嗚呼今日之九族昔日之三親也今日之三親他日之九族也譜或不作則斬齊而至於功總功總而至於袒免袒免之後服盡情踈途人之不若與三親之有哉後之人當心前人之心志前人之志嗣而輯之使名分正而彙倫叙宗族睦而禮義敦于載猶一代九族猶三親豈不偉歟可不勉歟是為序

正德三年冬十一月之吉嗣孫畢文琛序

休寧閩川畢氏家譜序

古昔先王之世有大宗小宗之法當時氏族傳至數百年而苗裔
族屬不棄後世宗法既廢氏族無統士大夫家始自為譜以著世
系辨疎戚厚昭穆然則譜之所系亦重矣我畢氏自周文王封其
子高於畢子孫遂以為氏歷周及漢千有餘年族屬蔓延於天下
者不可勝紀至唐居司衛少卿憬公者居河南偃師又數傳至師
遠公為永州司馬調歙州倉書判事後回家堂壞此吾新安畢氏
之始也自憬公迄師遠公而下歷世三十有一派居數十餘處中
間名儒碩士或顯而樹勳或隱而抱德者後先相望亦盛矣哉然
必有譜以上溯其源而下明其派庶親親之道盡而睦族之義隆
畢氏有家藏舊譜然汗漫未經編輯吾祖久志於此而未適其會
幸太史汝舟公歆大會諸宗以脩世譜雖值王事勤勞而志未嘗
少舍吾祖因力輔之務期抵於完事上下古今參酌義例收其散

合其離以歸於一九山川人物宮室詩文之屬皆分門比類足為
十志該括無遺而井然有緒裁訂筆削一主於太史其纂輯較正
謄寫之類各委諸能者置局于家用銀梓以磨久遠凡歷歲餘而
後成吾祖之用心其勤矣哉昔程子有一官攝人心收宗族厚風
俗使人不忘本須是明譜系宋歐陽公為譜法以傳世明寢猶當
一舉目之間而名行尊卑燦然可考吾祖汲汲以修家譜蓋亦有
見於此乎使凡吾畢氏之子若孫皆將隆本木本源之義相親而
相睦者不由斯譜以維持之歟然則譜之成實吾裔孫等之幸也
謹序以附諸末云中散大夫廿五世孫休寧閩川畢絕天奇拜書

小田畢氏家譜序

人道之大無他不越乎親二而已親其所親推而上之至于始祖
所自出旁而推之凡絕服之外雖百世之父寔其始皆吾一氣流

傳曷可視之如坐人也哉此譜系之傳所以不可無也切嘗嘆夫世之為譜者其失有四有妄以上世名賢顯宦為始祖者有祖考無實行而虛美之者有遺棄寒微而不錄者有投慕一時同姓富貴之盛以為同宗者為乎不宗其祖而宗人之祖不親其族而親人之族是皆不仁不智者之所為也用是以取信於人而垂聲於後良可羞矣予嘗閱吾家舊譜先祖嘗識之曰此吾前代實錄也不可妄為增損凡祖宗名號世系之詳生年卒葬歲月之類并其所配某氏與夫墳墓所在莫不備載後之子孫一覽具見有書高祖唐司衛少卿保公亦不忘所自出也自徽州徙居弋陽石塘則書曰自祖烈公始也自石塘復遷於今小田則書曰自助教宗萬公始也與夫遠近疎戚諸族靡不依次備錄所謂世俗編譜之四失其殆免矣乎其殆免矣乎記曰繫之以姓而弗別綴之以食而

弗殊後之子孫敦宗姓親之道宜鑑之哉嗣孫太學生翰淵謹書

長陵畢氏族譜序

有客訪予而問曰譜系之作何為也余曰自大宗小宗之法度氏族之失其傳而作也蓋自天降生民有夫婦而後有父子有父子而後有兄弟有兄弟至于九族之外名存服盡者皆本於三親焉譜系者一家百代之綱領也譜系之作所以收宗族傳久遠以昭示後人也故系其上者則知其來歷之淵源叙其事者則知其處世之得失居家則紀其東壘正直居官則錄其黜陟勤勞而所謂三綱正而夫婦別人倫明而父子親枝派分而昭穆定此則綱常正而人倫美矣譜系之不作則前不知其從來後不知其次序居家則無長幼之分居官則無君臣之義至於親如路人焉此

則綱常夫而人倫泯矣蓋世之病焉故是以書之於前以詔諸後
使仍來者繼之繩之知其尊卑高下愛敬忠悌孝之服膺而勿失
焉聞者欣然而起曰善夫子之言也余方輯家譜因書以附其卷
末云裔孫畢仁復禮拜書于東郊草堂

徽城上北街畢氏文譜跋

續修文譜七卷子雖同肇于諸昆弟當修時適余從宦于湖廣之
寶慶未得贊詞然而直諸昆弟才豐學贍義精理明皆足以鋪叙
吾畢氏之實且不安板蕢當貴而麾斥賤貧於立例善惡隱見而
使後人和所勸懲殆若聖人筆削魯史之遺意者然余何容喙意
譜之作不其難哉倡其謀于始繼厥緒于終數越歲而後成之族
之驕吝者視之蓋漠然不加之意不有太史公之作興諸昆弟曰
理曰珊曰瘠之用心懇至亦安能告厥成功副其夙志別其同舍

其異於今日也哉後來者能以祖宗之心為心則歷世雖遠合萬
人而為一心始無負于始終惓惓之意矣生成之際諸昆弟令人
持譜詣寶慶示余始錄此於簡末以識歲月云

大明正德四年己巳歲五月朔旦承直郎通判湖廣寶慶府事嗣
孫畢症謹跋

上北街畢氏文譜後序

嘗觀陶靖節贈族祖長沙公詩云同源分流入易世疎感彼行路
者焉蚶蜩蓋傷其昭穆既遠已為路人矣杜少陵訪從孫濟而不
免於防猜故其詩云勿受外嫌猜同姓古所敦蓋亦傷其服盡服
盡情疎勸之以相親睦也若然則譜系不容於不作矣作譜之意
上以原其祖之所自出使為子孫者知其異派而同源下以別其
派之所由分欲因親教愛俾孝悌之心油然而興也吾畢氏先世

居東平唐憬公者始遷河南歷五世有師遠公者始遷歙世次雖遠賴古譜可考但自祥卿公以來未有起而修之者今吾諸叔慨然以爲己任與宗叔汝舟先生創制立法確確可否考謬訂異當至終日夜不安寢食以成其錄意尊祖敬宗之心親睦九族之義亦至是乎發也分卑學陋愧不能贊一詞焉姑書比于卷尾以忘其槩使後之觀者油然而興起其孝弟之心不致犯淵明路人之戒而陞少陵嫌猜之譏相與敦宗睦族亦風化之一助云

大明正德己巳歲五月端陽二十九世孫畢整次用謹序

小田畢氏家譜後序

譜牒之作世家宦族率有之先君子嘗有志焉以久歷宦途不得歸考故實終其身弗克成編惜哉今年春太史兄汝舟以哀毀廬處謀諸濟時曰孝者善繼人之志善述人之事先人志在譜牒書

未竟而絕筆我將成之何如乃大舍宗族考索舊譜分遣子弟廣搜遠族之流寓者得譜若干帙其文同其事同遂秉筆以著詞本左傳書法本春秋例類本今之郡邑志參以歐蘇譜式而精詳之不三月而成予曰事重義精而成之易其可訓乎及遍閱始知其精妙詳備有非俗儒之所能與者噫兄其無愧於史才也耶觀其善惡必錄而勸懲之法具倉富例書而同仁之道寓書隱德壽考以重齒德紀仕宦以尊爵命叙本原以明世家之實紀地方以著變遷之詳取貞節以昭婦德錄文士以彰賢才以至山川宮室之具載又以見地利人文之盛而耀畢氏爲世家大族之實也世系大書而分注之或者朱子綱目之遺意抑史局之法例歟是則名雖譜牒而實則史筆用雖一家而實可爲法於天下後世兄之用心亦勞矣詎可以速成而謂其疎畧邪濟時愧不能贊一辭書

成而無言以頌之不知言也謹述其槩以附諸篇末

大明正德戊辰秋九月菊旦鄉貢進士畢濟時汝霖謹序

鸞溪重修族譜序

譜之作所以明逆順別親疎而廣吾仁也夫逆順之理非仁無以爲親疎之等非譜無以明故畢氏譜之所以作也蓋欽鸞溪畢氏者乃唐中散大夫欽州僉書判師遠公始家欽南之望墩至五世曰文謹遷居鸞溪又九世仁七公文修仁八公文進嘗同修家譜後遭兵燹譜系無存經今十有三世矣正德丁卯夏貴溪太史公畢汝舟先生來欽會族欲編宗譜由是休寧閩川宗人廷美廷馨廷昌昆季推是心以窮源流蒐索舊譜以辨親疎類編綱呈太史公訂式歸而重錄繡梓將完衆味而知其曩倫百世之事至於宦跡德鄰具載無不詳矣實有叙於曩倫也志文命其姪浩進譜局

給譜貽諸子姪使知源流明昭穆別長幼序人倫厚凡所居於異鄉異郡者而猶一家也其斯非特一時之可觀而又啓發乎尊祖敬宗之心光前裕後之意豈不有補於世教也是爲序

正德己巳六月既望欽南澤富王奎序

新安畢氏族譜

休寧閩川本原

我畢氏出周文王第十五子高有功於周得國於畢是爲畢公子
孫遂世因以爲氏至畢萬春秋時莒仕于魏而子姓益盛世遠族
蕃始置勿叙迨東漢間兗州別駕畢湛定居東平歷衆敬元賓祖
暉義雲五世俱任東平太守是爲東平世家故今畢氏山東爲多
其後有憬公者唐初任司衛少卿歷貝邢盧許四州刺史又自東
平徙河南偃師原生構構爲戶部尚書太子詹事卿爲豐王府
司馬刺會孫誠懿宗時居宰輔子孫承綏袍笏盈牀而畢氏又盛
於河南矣構生炕炕生炯炯生鏞鏞生師遠師遠以永州司馬改
歙舍書判事宅篁墩子衍衛衛衍遷池九華山麓衛遷衢州陸葵貴
溪是也衛生子長文龍次文虎文虎後令歙篁墩石耳嘉田方川

是也文龍吾祖也生嚴明嚴明生岩將岩將生世仁世仁生希萬
而世仁復自望墩遷休寧碧溪希萬子神護神護生綸紹續綸
綸紹續世居碧溪紹居陳村經最少仕睦州清溪縣尉復自碧溪
遷歙南長陔子二長曰三次曰諒三世系關諒生子和文進文立
文旺文立生景鎮文旺生景承景安景承世居長陔景安子時泰
任順昌司教遷徽城上北市景鎮字安邦以儒起家仕闕長汀令
紹興間謝政閑居有莊若干所在休寧者三一曰高視莊二曰隔
山莊三曰閔口莊歲每二遊春以督耕秋以稽穫無何值休境饑
荒民艱食景鎮公間至高視登莊賑給留數日西發閔口莊又留
數日又西發隔山莊民賴全活者衆公以賑給出遊日久至是欲
還長陔三莊農衆要閔川父老之賢者遽道留公且曰吾農餘三
莊衆待明府舉火明府富以新安四境爲家母固安懷土自便君

亦重違衆所留復念家遠督稽忽忘土地後或爲強衆所并乃從
衆請去閔口莊西數百弓徙草萊闢基址鳩工築室壯觀鄉邦踰
年而第宅成卜日之吉自長陔挈家居焉農耨大悅賀客充閔明
府公益自謙退行陰德於民遠近噴稱慕是爲閔川之始祖也
子濟字巨川仕迪功郎孫柳字陶字仕將仕郎柳子炳字炳文仕
承議郎炳子社字權宗大脩景鎮公之業於隔山莊蓋田餘二頃
人知爲吾家物今猶名其原曰畢家隴於高視莊蓋地千有餘畝
人猶知其洲曰畢家萬貫洲又於居西南鑿塘大小計共五十餘
畝子仁二字元亨樂喜好施遠近寺院得其鍾者大小三十餘口
居之東有澗病涉架石爲橋名曰捲橋今猶便之又於宅東創屋
五楹貯硯鈔貫充棟歲久濕爛人爲名吾家曰畢爛鈔家子正字
端卿端卿子音保重厚敦達有大度生周令協德次胡保季曰馬

胡保勤於試畝樹藝治生脩德行仁初非有爲而爲之者也子柱
奴字功大好讀書尚廉耻平居深衣幅巾行義於鄉家庭之間內
外肅然可稱見者不問可知其爲寬大長者雖然吾家自元氏以
吏伏入主中國厭仕宦朝人九起家惟存心仁厚儒書治身隱居
自好而已至我朝永樂間曾叔祖馬公仲榮始以明經知蕪州
自是詩禮風聲憬公師遠公故家文獻之懿又復克振大抵澤屋
者流光德傳者流卑故本固而末茂源深而流長否極則泰來自
然之理也吾人籍先世深仁屋德之餘皇天報予顧子孫受用
殆將無涯矣茲家兄廷表廷馨適其世譜成謂愚頗能稽古屬
筆手畢本原謹述故老所聞問史所載具陳世系于上方中散大
夫翁孫郁拜述

新安畢氏族譜

徽城上北街本原

畢氏本姬姓周文王第十五子高封於畢以國爲氏子孫因之春
秋時畢萬筮仕于魏而子姓益盛世遠族蕃系不可考後漢畢諶
爲兗州別駕定居東平其後衆歆允賓祖暉義雲五世爲本州太
守遂爲東平世家至孫懌唐垂拱二年爲司衛少卿乃自東平徙
居河南之偃師懌生構構爲戶部尚書構爲豐王府司馬構之
曾孫誠爲懿宗時宰相畢氏又望於河南構生炕：生洞：生鎬
鎬生師遠爲永州司馬唐僖宗乾符四年以中散大夫遷職於歙
州僉書判事遂居篁墩子衍衡衡衍爲建康郎推其子梅遷九華
山衡遷之衢今貴溪派也衡爲歙學教授生子文龍文虎文虎遷
漢洞今篁墩石耳嘉田派也文龍生君將君將生世仁世仁生希

上北街

九編刊

萬壽壽藏于嘉衛始遷休寧之碧溪希萬生神護神護生五子綸
紹續緯紉二公以兄弟舊銜地狹不能居子姓因遍觀徽之名地
至長陔見其山蒼蔚可以給蕉牧種家求水清澗可以恣漁釣供
汲灌乃遷居長陔經公生三子次子諒三生子文進文立文旺
文立生景鎮仕福長汀令今閩川派也文旺生九公十四公景明
景承景安景承公世居長陔景安公為順昌司教三道有成而一
時名儒碩輔多出公門下年七十欽賜歸闕乃以通直郎致政歸
南陔築室於居南五里以為修鍊之所置宇家二於室之旁紹興
二年公之門人趙祥之以左朝散大夫來知州事三有關朝拜之
利害係生民之休戚者必咨於公而後行或月一至或旬日一至
每至必前席執弟子禮惟謹公亦悉心論道坐一室談笑移時情
甚款曲越明年朝廷遣使至州案事而趙方在公家使者責其慢

趙以實對曰某以庸材委茲重任恐不堪寧以辱王命某有素師
曰畢景安者以文章道德高一世事必諮之意者有裨於吾民以
求塞吾責耳曷敢慢遊以取廢時失事之咎哉使臣曰養老尊賢
為政之首務如卿言固不失為良有司而畢公者其出也不苟其
處也有為古所謂鄉先生為天下之達尊者非若人耶宣極達情
適吾之職即聞之於朝時高宗方重禮老臣乃賜第州城之北街
趙即日治廳事於第之南榜曰恩義廳三之東百步為堂扁曰遺
養天和堂之西構小軒一置琴書其中以為玩樂之所第落成趙
偕僚屬威禮舉躬至南陔請焉公既歸閑役志山林而厭市器力
辭趙與僚屬固請至羅拜者曰事既聞於朝業已成矣先生雖不
為某等庶寧不為朝廷屈乎公不得已勉而從之既就道繫家廢
舟而趙等尾舟東上公既遷于城深居簡出山林菴壑之趣未嘗

少變時高宗南渡士大夫之如杭者多經歛地未有過而不入者
公非門生故舊則不與之接後二年趙輸最陟階時人以為公陶
成之力也趙既去公欲仍還故鄉而家屬難之不果因益厚產業
為奕世計子公謙公誼公讓繼之恢拓家業富甲一城而又以儒
雅取重於時公誼之子遷浙江公謙生克寬克容克寬生高遠高
遠生德暉永暉碩暉德暉早卒碩暉好遊逸不知所之永暉為龍
圖閣待制生重一重二皆循雅飭不墜家聲重二生慶四即祥
卿公始修家譜敦尚禮義一邑之業大半係公遷業是為新安文
獻之大家蓋自師遠公遷歛以來公之德功已施於臨政莅民之
間而民不忍之心又見於載璫錫之頃其愛民及物之惠政表
表在人耳目不能遺忘郡民有垂白者猶能記憶而說其詳此所
以積而為今日之盛也蓋積之盛者發必大德之厚者報必隆亦

自然理也殯等可不知所自耶爰叙世系于左璿謹志

新安畢氏族譜

貴溪小田本原

畢氏出自姬姓周文王第十五子高封于畢是為畢公子孫因以為氏春秋時畢萬筮仕于魏而子姓益盛世遠族蕃系不可考後漢畢諶為兗州別駕定居東平其後衆敬元賓祖暉義雲五世為本州太守遂為東平世家故今畢氏惟山東為多至孫憬在唐初仕司衛少卿歷貝邢盧許四州刺史乃自東平徙居河南之偃師憬生構相構為戶部尚書太子詹事相為豐王府司馬構之曾孫誠為懿宗時宰相子孫承蔭冠裳羅列而畢氏又盛於河南是後世系見於譜而弗替矣構生炕：生炯：生鎬：生師遠以永州司馬調倅歙州遂居歙之黃墩今歙縣長陔厓耳雙溪閔川畢村陳村等族皆其胄也師遠生衍衡衡：生烈年少聰慧美姿容善

畢氏譜序

詩文尤精於弈飲州倅吳公峭巖見而悅之致幕府日與講論大義了無弗解者吳益加禮重心欲以女定其妻之一夕宴群僚于私第將徹而弈吳之局窘焉憐大聲曰好自取解受罰也時烈公侍側指其局曰吳先生如此着必勝吳笑擁其背曰勝當殢汝烈公代竟其局勝之群客譁然笑曰昏姻大事一言締之弗可改也吳曰意意有在久矣通于其父母壻之居于官舍之東軒董昌之亂兩浙騷動吳以朝請大夫上疏乞歸允之夫人齊氏泣曰吾女孱弱忍真此遠地不相見邪乃與之偕歸弋陽明年吳制產建弟于北鄉之石塘烈公往居焉闢基址田塘山麓而生聚之家業日裕生子二景星以薦舉為代州雲中令遭五季紛擾南北阻隔同寓居雲中即文簡公士安之曾祖也慶雲為南唐太子司議郎承石塘舊業而益充之生子琚瑾瑛瑛瑛世系弗傳琚生德林德

林生迪安與文簡公為三從兄弟是時文簡公遷居觀城於石塘不相通問者已二世矣太平興國間文簡公以左贊善大夫徙知饒州按行樂平訪石塘祖墓而省視之張遮會族復叙兄弟如初族人於是建敦族堂以識之迪安生復始復始生宗萬以薦舉仕國子助教致仕時弋陽諸鄉盜起大家率被標掠助教謀遷居禱于景公之祠是夕夢景公語曰昌爾孫子爰擇厥址出弋之西方五十里逢紅斯起逢白斯止君子居之于龍之耳詰旦乃決策遷居方趣裝則盜掠其村火焚隣居已十數矣公曰茲逢紅也蓋起乎即於是夕西行約四十餘里忽大雪道迷不可進公曰茲逢白也蓋止乎有樵叟問曰挈家何之公曰避盜遷居也叟曰是可居也勢家之所弗據吏胥之所弗擾盜賊之所弗入過此非叟所知也公曰地名云何叟曰此雙龍角也公曰茲非所謂龍之耳乎吾

嗣其昌矣乃假館于熊史數日自陟群山歷覽謂小田山水佳麗
可為世業謀於史馳得之乃構屋若干楹以居即今之居址也時
林木暢茂山麓擁蔽人莫敢入公悉伐而闢之建樓堂廳事旁廈
三十餘室又建景公行祠及家廟于居東之珠墩小四書院于居
西之留鴈坂地數百畝鑿塘十餘畝自督減獲耕獲以恢拓家
業四方士子從游者衆贊獻充間日益富盛公卒子天禮仕宣議
郎尤善生財一鄉之田地悉歸焉天禮生信倫儀以宦游流
寓崇安桐城惟信居小田生彥政彥輔俱好學究心義理弗仕各
生子四人俱克家富冠鄉北以居址分為前後二第彥政之子居
前第彥輔之子居後第其後萬一萬二萬三萬四之子孫俱不數
世而汨沒於兵革惟前第萬五萬六後第萬八萬九之子孫至今
蕃盛顯著繩之齊為貴溪文獻之大家蓋自景公構以至于今

實二十九世自景龍丁未至正德戊辰實八百有二年也六邑諸
鄉猶皆稱小田畢構始蓋德厚功盛而其名不泯也於戲方景公
筮仕中舍抗聲讀表之時而忠義之心已定比刺史列郡政有惠
愛鞠治諸常詳比輕重按察劔南頓弊扼私入為大臣而致君澤
民之心倦懇切事業功名之發取無瑕誠可以質鬼神而昭
古今也德之厚者其澤長功之盛者其胤顯我畢氏之所以蕃昌
而弗替者謂非景公之功德所及邪謹敘世系于左濟川謹志

新安畢氏族譜凡例

- 一畢氏自樞公至今凡三十一世今以五世為一宗凡六宗世系之叙必盡書五世之名而後書第二宗之五世宗之上為小國書曰某人長子某人次子欲人便於觀覽與歐譜異矣
- 一譜以新安為宗河南惟序本文之祖其他世系不書自新安流寓他地者相通問則書世系不相通問者不書相非本文而書世系景星不相通問而書世系欲及誠士安量貴也亦至貴者而止其後不書也
- 一世系之序以名為綱而以行第年歲注之其名闕者則書行第其世次與遷徙某地以殊書之欲便覽也

一名字之下各書所生所卒之年欲後人知其為何時人也書葬地欲後人知其葬所而有視之也間有不書葬者其子孫不以告也

一人以善惡著名者注之名下所以示勸戒也善者詳書曰善善之意長也惡者不直言其實而書曰行微為親者諱也其名小書以別之若惡其亂族也貧乏不支而為隸丐者則書曰人微亦小書其名以別之惡其辱族也皆不書世系絕之也事方外則直書曰為僧為道名亦小書於外之也

一自新安流寓他鄉者擇地而徙居曰遷因仕宦商賈而居其地曰流寓為人之壻而徙家曰遂居某地棄父母而出居

他鄉曰出奔

一江南婚姻以門第為尚虎娶世家之女則書娶某地某氏非世家則單書娶某氏仕宦之女則書某官之女潰亂倫理者則書納某氏為妻

一婦人書嫡不書妾正名也妾之有子者書某氏子貴也

一無嗣而不立後者書曰不嗣惡曰絕

一無嗣而立後者在生自立則書以某子某為後示當立也曰以姪孫某曾姪孫某為後示不當立也既卒而應繼者自繼之則書某人之子某繼之示當繼也以異姪之子為後則書曰納某氏某為後識其亂宗系也

一為人之後者先書其名於所生父母之下後書其名於所繼父母之下而以年歲注之繼之而實承其祀者則書為某人之後名繼而實不承其祀者則書繼于某出為異姓之子者則書為某氏後而削其世系

一仕宦志備紀官職遷權之詳而行實之紀有諱有畧賢否異也

一舉人國子生未仕及生員儒士凡肄舉業者俱列於文士志生員未舉者則書曰未仕泯沒不達者則書曰不仕

一貞節之婦凜然卓異可與古人並稱者則詞煩不殺次者槩書其行次者直紀名氏而已他志已詳書者雖有卓異之行亦不復書

一河南新安等處山川為畢氏產業者惟著名及有文士題詠者書之其餘不勝書也凡題詠俱附錄于下

一皇墩畢姓以近師遠公基故冒姓者多真偽不可不辨如徽城上北街親支畢姓者壹乃祥鄉公子孫世居此地其餘冒其姓者貳一匠一軍係異姓充役界限明甚後人毋忽

凡例終

新安畢氏族譜目錄

譜前序

新安畢氏會通族譜引

畢憲閩川人

新安畢氏會通譜纂額

翰林編修孫清姚人

畢氏族譜序

禮部尚書旴江張昇

新安畢氏族譜序

翰林編修畢濟川貴溪人

休寧閩川畢氏重修會通譜序

畢蘭閩川人

畢氏族譜序

畢璿工北街人

新安畢氏族譜序

荃谷歲寒子休寧人

會修譜序

畢章勝敏長陔人

新安重修畢氏族譜序

畢珊敏庠生上北街人

又新舊譜序

畢氏族譜序

畢範號盤谷居士長陵人

長陵畢氏續譜序

竹坡老人呂午敏人

歙南磬溪畢氏譜序

畢宣義號敬人

磬溪畢氏族譜後序

蕭江松牯卓軒敏人

石耳畢氏世譜序

畢朝陽字元鳳檇閭樵隱

畢氏族譜序

師山鄭玉敏人

畢氏重修家譜序

畢復初長陵人

畢氏家譜序

畢祥卿郡城上北街人

又

吏部右侍郎王章太原人

休寧閩川畢氏家譜序

畢周令閩川人

嘉田畢氏族譜序

畢文源敏人

貴溪小田畢氏家譜序

大理寺少卿李奎弋陽人

休寧樓溪畢氏譜引

竹齋許宗遠敏人

閩川畢氏重修家譜序

陳恭休寧儒學訓導四明人

畢氏重續家譜序

畢文理郡城上北街人

畢氏續修族譜序

畢文琛郡城上北街人

休寧閩川畢氏家譜序

畢楚閩川人

畢氏家譜序

畢翰淵太學生貴溪小田人

畢氏族譜序

畢仁復長陵人

畢氏續修支譜跋

畢佐寶慶府通判郡城上北街人

畢氏支譜後序

畢整郡城上北街人

畢氏家譜後序

畢濟時鄉貢進士貴溪小田人

磬溪重修族譜序

王奎敏南澤富人

休寧閩川本原

畢柳閩川人

長春縣志
卷之四
城上北街本原

畢璠上北街人

貴溪小田本原

畢濟川小田人

凡例

一十五條

執事名氏

地方志

二十五處

卷之一

世系志

休寧碧溪派

卷之二

世系志

歙長陔派一世至三十一世

卷之三

世系志

休寧閩川派一世至三十一世

卷之四

世系志

郡城上北街派一世至三十一世

卷之五

世系志

休寧雙溪派二世至三十世

卷之六

世系志

歙豐墩派一世至三十一世

卷之七

世系志

歙嘉田派一世至三十一世

卷之八

世系志

貴溪小田派

敬民弋陽方墩祖

思文貴溪小田祖

太一陽派

卷之九

仕宦志

卷之十

隱德志

卷之十一

文士志

卷之十二

貞節志

卷之十三

壽考志

卷之十四

山川志

卷之十五

宮室志

卷之十六

詩文志

詩

無題

畢構河南偃師人

情人王清歌

畢耀河南偃師人

和陶潛擬古第八首

畢卿雲弋陽石塘人

和杜甫晚出左掖詩

畢迪安弋陽石塘人

無題

畢師遠歙望墩人

題遷居

畢神護休寧碧溪人

懷懷

畢宗萬貴溪小田人

靜軒

畢景安郡城上北街人

農家

畢公謙郡城上北街人

引雛鳥

畢舜民貴溪小田人

紙帳

畢舜民

題松梅

畢士謨休寧雙溪人

題伯牙圖

畢仲仁郡城上北街人

月潭

畢宗頤郡城上北街人

題墨菊

畢周令休寧閩川人

吃步

畢瀚海貴溪小田人

長陵人景

畢端一歛長陵人

閑居

畢永傑郡城上北街人

遊問政

畢永傑

自叙

畢永春郡城上北街人

感知府祁司員讀宴鄉飲

畢永春

春日郊遊

畢瀚淵貴溪小田人

明堂懷古

畢瑜貴溪小田人

謁桃源三義祠

畢瑜

非奉和

閣老劉先生洛陽健江湖利濟畢蘭字廷馨臨平人

和刑書閣先生吳興珪韻

畢蘭

和太史宗弟汝舟韻

畢蘭

留別張侍書有序

畢蘭

和陽武侯薛公韻二首

畢蘭

和按察副使彭先生清江綢韻畢蘭

過錢塘余兄弟汝舟設譜過險畢蘭

往江西會譜五嶺遇雪二首畢蘭

奉寄都憲海陵惲先生畢蘭

題閔川蘭宗長江湖利濟卷後畢濟川貴溪小田人

題閔川蘭宗長總督譜以詩贈畢濟川

客中思親二首畢迵休寧閔川人

送檢討王敬夫養親畢濟川貴溪小田人

爲同年蕭敬夫題畫畢濟川

贈徽城上北街宗兄文珎六詩畢濟川

至新安會族畢濟川

至休寧錄示諸族畢濟川

題閔川蘭宗長孝友堂畢濟川

爲雙溪畢廷暉題歲解學士畫書畢濟川

和廷暉四十詩畢濟川

贈徽郡宗弟齊之還鄉畢濟川

爲休寧程天保題屏山一絕畢濟川

送程屏山還休寧畢濟川

題松洲畢光休寧閔川人

過梨樹嶺畢文珎郡城上北街人

題鴈畢文珎郡城上北街人

題畫半身龍圖畢文理郡城上北街人

書懷畢文理

題王衡仇以忠以才思養卷畢郁休寧閔川人

題仰天大笑出門去圖次韻

畢瑛郡城上北街人

題漢文帝却千里馬次韻

畢佐通判郡城上北街人

北窓夜讀

畢佐

聞鸛圖次劉石崖韻

畢文琛郡城上北街人

送陳通判弟還鄉

畢文琛

玉帳遺跡

畢文琛

寄通判佐兄安夷有功歸

畢珊郡城上北街人

侍太史濟川紀祖

畢珊

靜觀道人見示引西詩次韻

畢璠郡城上北街人

贈別周公文奎

畢璠

松溪為閬川族姪畢景題

畢璠

題甘棠遺愛圖寄賈太守

畢璠

月桂

畢銘郡城上北街人

壽月江上人五句

畢助休寧閬川人

正德戊辰往貴溪會過五願題

畢昂休寧閬川人

南薰亭

畢寶休寧閬川人

壽宗人畢暹七十

畢濟川

寶鑑樓

畢蕃休寧閬川人

篁山

畢寶

南薰亭

畢寶

聚德觀訪友

畢助

過長陔會族

畢助

徐州別元觀姪

畢濟川

松溪為閬川宗長元重題

畢祥卿貴溪小田人

松溪為姪元重題

畢郁休寧閩川人

題松溪

畢昂休寧閩川人

松月為龍宮法華上人題

畢昂休寧閩川人

贈族姪元昭省父還休寧

畢濟川

上天進灘

畢昂

書懷

畢普休寧閩川人

題歸德周母節壽詩

畢進休寧閩川人

哭女

畢進

早行

畢進

為休寧宗姪元重題松溪卷

畢濟川

徐州別元重

畢濟川

寫懷

畢顯休寧閩川人

長淮夜泊

畢魏休寧閩川人

秋夕客舍

畢魏

送七叔還家

畢桓休寧閩川人

浩然齋

畢桓

經蜀色遊佛牛山寺

畢壘休寧閩川人

題閩川竹

畢亦字本欽國別號

早行

畢顗

卷之十七

詩文志

與蘇懷坡書

畢仲游山東觀城人

上司馬華相書

畢仲游

寄衍兄書

畢衡歙人

送大叅唐公致政序

畢瑜貴溪小田人

濟南改建鐘樓記

畢瑜

遊尼山記

畢瑜

寶鑑樓記

畢郁休寧閩川人

書率溪程氏祠堂族約後

畢郁

書姪庶所藏江湖詩賦

畢郁

軒輅訪道圖引

畢永傑郡城上北街人

立法論

畢珊郡城上北街人

天人辨

畢珊

論營肅

畢佐郡城上北街人

讀陳東傳

畢文理郡城上北街人

送大郭伯何公述職序

畢濟郡城上北街人

贈通守陳公榮陞冀州刺史序畢璿

重建畢梓卿公墳墓碑牆序

畢文理郡城上北街人

克民吟葉序

畢仁祖歙長陔人

華莊取友園亭記

畢濟川貴溪小田人

題休寧閩川畢翁廷美壽藏

畢濟川

原雷

畢仁卿貴溪小田人

南山墓田規約

畢憲休寧閩川人

休寧閩川午峯祠規

畢蘭休寧閩川人

非
永安尚院二橋記

畢濟川

企先樓記

畢郁休寧閩川人

題閩川宗兄廷昌所藏王右軍蘭亭卷後

畢濟川

愛日軒記

畢濟川

友泉軒記

畢濟川

李父閔川尚忠處士墓誌銘

畢郁

書文昌所藏朱楓林解古本題其先世清白傳家卷并諸

名公手札

畢郁

宗老廣文處士像贊

畢郁

墓易生傳

畢郁

慈興閣記

畢郁

柏軒記

秋圃休寧閔川人

松溪記

畢郁

跋閔川宗姪元重松溪卷後

畢濟川

慶遠樓記

畢郁

畢孝婦胡氏記

畢蕃休寧閔川人

回蕙蘭二宗長手東

畢濟川

春蘭宗兄手東

畢佐寶慶府通判北街城上人

畢氏族譜後跋

畢蕙休寧閔川人

書族譜後

畢濟川貴溪小田人

附錄

唐歙州僉書判事師遠府君墓圖

宋長汀令景鎮府君墓圖

歙長陵墓圖二所

休寧閔川墓圖二十一所

徽城上北街墓圖二十三所

雙溪墓圖二十七所

各派領譜字號名目

畢家譜目錄

新安畢氏會通世譜目錄終

新安畢氏族譜

執事名氏

總督各派編梓事

義官休寧閔川畢意 畢蘭

總裁

翰林院編修文林郎貴溪畢濟川

纂輯

太學生閔川畢郁

歙庠廩膳生畢珩

歙庠生畢璠

弋陽庠生方墩畢文達

同修

儒士閔川畢蕃

徽郡址市畢文理

長陟畢章勝

校正

承直郎實慶府通判都北市畢佐 鄉貢進士貴溪畢濟時

貴溪庠生畢達卿 儒士閔川畢昂 畢卯

對讀

儒士郡北市畢文琛 太學生畢銘 郡庠生畢鰲

閔川畢良 畢朗 畢鵬

催題

義官郡北市畢文球 儒士畢文五 畢文璽

畢文璽 畢文璽 方川畢文 嘉田畢惠生

畢順理 閔川畢文昌 畢顯 畢拱

膳錄

閔川儒士畢桓 畢超 郡北畢鈺 畢鉞 畢鈞 長陂畢壽 畢添榮

執事名氏終

畢氏族譜

地方志

東平州隸山東兗州府該公世居東平之安山自司衙必卿懷遷居偃師

偃師縣隸河南河南府景公世居偃師之緄氏山今俱流寓各縣

歙縣隸直隸徽州府師遠公定居璽整

璽整在歙縣南三十里師遠公自偃師始遷于此

上北街在徽州府城內東北隅自景安公長陔建於此

長陔在歙縣南七十里經公自休寧遷璽整始遷于此

璽溪在歙縣南三十里進公自璽整始遷于此

方川在歙縣西十里汪公自璽溪遷于郡城西南隅元善公改遷

石耳在歙縣東南五十里禮公自璽整始遷于此

嘉田在歙縣南五十里萬戶仁公自石耳始遷于此

休寧縣隸徽州府世仁公遷居碧溪

碧溪在休寧縣西南四十里世仁公自臺墩始遷于此

陳村在休寧縣西南四十里之道公自碧溪始遷于此

雙溪在休寧縣西五十里宗勝公自碧溪始遷于此

閔川在休寧縣東南三十里景鎮公自歙長陔始遷于此

大陽縣隸江西廣信府烈公遷居石塘

石塘在大陽縣北六十里烈公自歙州始遷于此

方壑在大陽縣西北五十里燦文公自貴溪縣小田始遷于此

方壑梓樹底在大陽縣西北五十里思一公自貴溪縣小田始遷于此

湖西在大陽縣北四十里尚文公自貴溪縣始遷于此

貴溪縣隸江西廣信府宗萬公遷居小田

小田在貴溪縣北六十里宗萬公自大陽縣始遷于此

河源在貴溪縣北三十里定遠公自小田始遷于此

仙岩在貴溪縣南七十里文昌公自小田始遷于此

邵港在貴溪縣北五十里定寶公自小田始遷于此